

Зума ритавал къини

Аллагъу Тааъланал Эдрал къини даврин савав – ахиратлул къини дакъини дагъаншиврулли. Гъарца Эдрал къини дуркѳукун, дуняллий халкъ кув ххарину, кув пашманну, кув ххуйсса канай, хуйсса ларххун, кув обкъисса канай, обкъисса ларххун, кув бахътта, кув бурттий, кув аьтгий, кув хъай бикъайсса кунма, Къияматсса Къинигу мукун бикъантѳиссар. Хатта, муъминчувнал эдрал къинирду му дакъасса, ххюра цаймигу дуссар. Ца – цалва бунагъ къабувну, муния марцѳну ларгсса къинири. Цагу – шагъадат дуртун Имандали ивкъусса къинири. Цагу – ссиратѳ лавхъун къуртал хъусса къинири. Цагу – Дуржагърая хассал хъусса, Алжаннавун увхсса къинири. Цагу – му неъмат цанма буллусса Аллагъ Ꞥ ккавккун, мунах урувгсса къинири, яла хъунмур Эдрал къини мури. Му къини дакъа муъминчувнан рахѳматшивугу дакъассар.

Зума ритавил Эдрал къинигу хъинну ххирасса къинири. Хатта, Аллагъу Тааъланал Алжан му къинири ляхъан бувсса. Тѳуба тѳисса Алжаннавусса яла хъунмур мурхъ му къинири бившусса. Жабраил малаик вахѳюшиврин увчѳусса му къинири. Мунивусса фазиларду, хъиншивуртту чѳяруссар. Му къини хъинсса аьмал баву, Аллагъ Ꞥ чѳявуну къицѳ лагаву хъинссар. Дуаблухъхъун жаваб дулайсса, аьпа байсса, Аллагъ Ꞥ цѳимилийну ургайсса къинири. Му хъхъуну баргъ лавгун махъ, Эдрал къинилул аьламат загъир дуваншиврул, Эдрал чак булланин, къицѳирттаву, мизитирттаву, къатраву, чу бухъурчагу, такбирду бишавугу суннатссар, лахъну, баянну овькуну. Му такбирду бишайссар «Аллагъу акбар, Аллагъу акбар, Аллагъу акбар. Ля илягъа илляЛлагъу валЛлагъу акбар. Аллагъу акбар ва лиЛлагъил хѳамд» - куну.

Ва номерданий :



Диндалухсса гъира ххи хъанай бур

лаж. 3

» 4



Фитѳрулул закат

лаж. 5



Шавваль зурул ххирашиву

лаж. 7

Лирчѳисса зумарду хъирив лахъайсса куц

Гъарца бусурманчувнан къулну бикъан аьркинссар хъирив лахъан дуллалисса эбадатту цѳилла чѳумал дурмургу ца даражалий къадикълайшиву. Мунияту учайссар жагъилну унува дурмур хъинссар хъунав хъукун дурмунир, куну.

макъала: Камал Сагидов

Мунин бувну, зумагу цѳила чѳумал дургъуну шаллу дан хѳарачат бан аьркинссар. Хъирив лахъаврийну зумалул бурж яла гъан барчагу, цѳила чѳумал дурмунил кунмасса чѳири къабикъантѳиссар, цанчирча, гъарца аьмалланул цѳила чѳун дикълайнутгий. Рамазан зуруй зума къадургъумий бачъайссар цаппара жуардай: Цалчинмур жура - Шарссанишал утту ивхъуну зума зия дурсса арамтал. Миннай му зума хъирив лахъа-

ву бакъасса, кафаратту (штраф) ялувссар. Ца къини мукун зума зия даврил кафарат хъанакъиссар къива зуруй царагу къини ляхъ къакъадиртун зума дугъаву. Ми къива зурувасса царагу къини ляхъ личѳарча, цѳуницѳа дайдишин аьркинссар, цѳи сававрайну лирчѳун духъурчагу. Мукунсса зума дугъан ният дуллалисса чѳумал «На ният дурунни фаризасса кафаратрал зума дугъан», - куну дайссар. Кафарат бакъассагу, мукун зия хъусса зума цурдагу хъирив лахъан аьркинссар. Рамазан зуруй бакъасса цамур чѳумалсса зума шарссаницѳа утту ивхъуну зия хъуну духъурча, кафарат ялув бакъассар. Агана адимина къива зуруй зума дугъан бюхълай акъахъурча, хъинну къашавай уну ягу цамур шариаьтрал къамул дайсса савав дуну, му чѳумал ряхъцѳала мискинчувнан ца-ца муд (600 гр.) къальмул булун аьркинссар. Кѳилчинмур жура – хъинну хъунив хъусса ягу хъин

къашайсса цѳуцѳаврил бувгъуну буну, зума дугъан кашѳи дакъамийри. Мукунминнан зума хъирив лахъан къааьркинссар, так гъарца зума къадургъуну ливчѳисса къинилух мискинтуран ца-ца муд булун ялувссар. Шамулчинмур журабулун багъайссар лякълуву оьрчѳ хъусса ягу ккукку буллалисса оьрчѳу бусса хъами, цалва оьрчѳал цѳуллу-сагъшиврул нигъ дунутгий зума къадугълай бивкѳисса. Му чѳумал хъамитайпалун аьркинссар къадиртсса зумагу хъирив лархъун, ца-ца мудгу булун. Агана мукунсса хъамитайпалул так цинма зарал къахъуншиврул зума къадугъарча, мунин зума хъирив лахъан аьркинссар, муд булун ялув бакъассар. Лякълуву оьрчѳ бусса ягу ккукку буллалисса хъамитайпалун бучѳиссар къай ялув къицѳ лавгсса сававрайдуну зума къадугъан.

» 3

Рамазан зурун хас бувсса мажлис

Уттигъанну Бабаюр-туллал райондалийсса ГъунчӀукъатӀрал къутандалий хъунни Рамазан зурун хас бувсса динналул мажлис ва мавлуд. Мажлис бачин буну ия ЦӀусса ЧӀурттащиял шярваллил имам Хаваев Мансур-хӀажи.

Новостройрал имам Муршиев МухӀаммадлул бувсунни Къуръ-

андалувсса караматиртта ва динналул элму лахъхъаврил ххирашивруя. МухӀаммадов ХӀасан-хӀажинал цалва вяъзалулу бувчӀин бунунни Къуръан буккавил цуксса лавайсса даража буссарив, му буккайманан цукун хъунмасса чири буссарив. Шярваллил имам Аъли-хӀажинал вяъза бия хас буну жула оърчӀан мюрщину бунува динналул гъанурду лахъхъин бан аьркиншиврун.

Мукунма, имамнал цаппара Рамазан зурул хӀакъиравусса суаллахъхъун жавабругу дуллунни. Вяъзардал дянив мавлудру ккалай бия Хъанардал шяраватусса мутаалимтал. Мажлисрал ахирданий циняв бавтӀиминнахъ барчаллагъ увкунни колхозрал председатель Сиражуттиннул ва шярваллил хъуначу ХӀасан-ХӀусайннул.

Жул корр.

Мизит цӀу буккан бунни

Махъсса спурттуву Дагъ-усттаннай, хаснува лакрал щархъаву мизитру буллай, бухми цӀу буккан буллай бур. Вана уттигъанну Лакрал райондалийсса Мукъардал шяравугу бухсса мизит бакъингу буну имамгу ивтунни.

Мизит тӀитӀаврил мажлис бачин буну ия Лакрал райондалул бакӀчинал хъиривчу Рамазанов Юсуп ХӀажидадудович. Мажлисрайн хъинну чӀявусса хъамал бувкӀун бия. Шярваллил жамят бакъасса, мажлисраву гъуртту хъунни Лакрал райондалул администрациялул зузалт, Дагъусттаннал Бусурманнал Динналул идаралул вакилтал, Лаккуйсса мизитиртал имамтал. Бия ярусаннал щархъавату бувкӀсса хъамалгу. Шикку имамну ивтунни Теологиялул институт бувкӀусса аьлимчув. Умуд бур ва мизит савав хъуну Мукъардал шяраву дин цӀу дуккансар, барачат ликкансар тӀисса.

Жул корр.



Хъюлив имам ивтунни

Вай гъантрай Ахъушиял райондалийсса Хъюллал шяраву имам итаврив хас бувсса мажлис хъунни.

Мажлис бачин буну ия Бархъаллал имамнал кумагчи Сайфуллагъ МухӀаммадаьлиев. Мажлисраву гъурттушинна дурну махъру лавхъунни МахӀачкъалаливсса Сайфуллагъ-къадинал цӀанийсса мизитрал имам Давуд-хӀажи Тумалаевлул, Ккуллал райондалул имам Сиражудин-хӀажи Къурбановлул, Къакъамахи шяраватусса аьлимчу Аьбулла-хӀажинал, Лавашиял райондалул имам Зубаир-хӀажинал, Кочубейрал имам Сулейман-хӀажинал ва цаймигу аьлимтурал. Мажлис хӀадур бан хъунмур хӀарачат бунунни Отбаев МухӀаммадлул. Мажлисрал ахирданий шярваллил жамятрал чулуха махъ лавхъунни хъуначу Оьмаханнул. Шярваллил жамятрал ва Дагъусттаннал Динналул Идаралул Вакилтурал маслихӀатрайну шикку имамну ивтунни чӀаравсса



Хъюли-Бухна тӀисса шяраватусса МухӀаммадкамил-хӀажи. Аллагънал Ӏ ка бакъиннав жамятран мюнпат буну даву дачин дан. Амин!

Жул корр.

БивкӀулун ина хъама къаитантӀиссара

Ца чӀумал Малла Насруттин базаллувух най унува, ца цуркул хъап куну, ганал бакӀрайсса къяпагу бавцуну ливхъун авчуну ур. Малла Насруттиннив паракъатну лавгун шяравусса хӀатталул къапулук авцӀуну ур. Му иш ххал хъуну махӀаттал хъусса инсантурал цӀувхъуну бур: «Да, ина микку циван авцӀуну ура? Ачу хъирив багъну, га цурку увгъуну вила къяпа зеххиннуча» - куну. «Ганал хъирив багълан ссан аьркинссар, га цува ччанну хъхъичӀунну шиккун акъарив учӀантӀисса» - увкуну бур Малланал. Ва бусалалуву жунна хъинну куртӀисса ишара дуссар, цанчирча, гъарца инсаннал дунияллисса оьрмулул ахир бивкӀу хъанай бунутӀий. Цамур куццуй бикӀан къабюхъайсар. ХӀадисул-Къудсилува Аллагъ Ӏ тӀий ур: «БивкӀу – къапури, гъарца инсан му къапулувух уххантӀиссар».

Инсан цукунсса унугу, ххуйсса ягу оьккисса, авадансса ягу мискинса, хъунасса ягу чӀивисса, муначан бивкӀу цумур лахӀзалуву бучӀантӀиссарив къакӀулссар – шинава, зурува, ссятрава ягу вацӀана бучӀан бюхъайссар. Ва дуниял цалла та къадитансарив кӀулсса цуцӀав акъассар. БивкӀу гъарцаннал хъирив бучӀантӀиссар, даим ва дунияллий личӀайсса цуцӀав акъассар. Жува, жула гъан-маччами, жунма ххирами, циняв Ахиратлухъхъун гънтӀиссару. Муниву щак бакъар, щак тӀиссагу цуцӀав акъахъунссар. Ца-цавай инсантурал цанма бигъашиврун бивкӀулия бувагу пикри къабуллан хӀарачат бай. «БивкӀулия гъалгъа тӀурча, га дакӀнин бутларча, бивкӀу анавар буккайссар» тӀиссагума бикӀай. Амма мукун тӀимигу литӀлай бур. ХӀадисул-къудсилува Аллагъу Тааьла жухъва тӀий ур: «БивкӀу хъама мабитара, хӀакъну, ина бивкӀулун тачӀав хъама къаитантӀиссара».

Инсаннан цуксса къаччайнугу, гъарца бивгъусса ссихӀирал му АхиратрачӀан гъан уллалиссар. Утти, аькьлу бусса, цува цумур лахӀзалуву накьлу хъунтӀиссарив къакӀулсса инсан, цалва оьрму цукун бутлансар? Мукунсса инсаннал оьрмулул мурад – цанна ва дунияллий итадаркъусса чӀун Аллагъ Ӏ рязи ансса куццуй гъан давриву бикӀантӀиссар, му чӀун та духлагантӀиссарив ца Аллагъу Тааьаланан бакъа къакӀулнутӀий. Заннал Ӏ рязишиву тӀалав дуллай ивкӀсса муьминчувнал ва дуниял къадитлатисса чӀумал, ганал рухӀ ласайни, малаиктал бучӀайссар ганахъхъун саламгу буллуну, Алжаннавун нанишиву бусан. Мукунсса инсаннал рухӀ чурххава бигъану дуккайссар. БивкӀугу хъама бивтун, гъафлатрай яхъанай ивкӀманал чӀун дирукун, муначан хъинну захӀмат шайссар. Мукунманал рухӀ ласласисса чӀумалла аьзав-аькьуба дайдишайссар. Хъит дурну, мархлушал архӀал дирттусса ххяххия кунна дуккайссар. Му чӀумал муначан дурсса тавбагу къамул къадайссар. МухӀаммад Идавсил Ӏ увкӀуссар: «Гъарца къини къуйла бивкӀу дакӀнин бутайма Къыямасса Къини шагъидтурацал изантӀиссар», - куну. Ялагу: «На зун кӀива насихӀат къабитлай ура: ца гъалгъа тӀисса, ца къабатгъсса – мигу хъанакъиссар Къуръан ва бивкӀу». Бусурманчувнан аьркинссар бивкӀулиясса пикри мудар бакӀраву бивгъуну, бувсса бунагъиртта тавба дуллай, динналувусса фарзру биттур буллай, цалла тӀабиаьт, хасият камил дуллан хӀарачат бан, акъахъурча, му Ахиратраву гъалак хъуминнавух икӀантӀиссар.

isaassalam@gmail.com

Учредитель
Благотворительный фонд «Путь».
Газета печатается по согласованию и одобрению Духовного управления мусульман Дагестана

Редакционный совет
Председатель редакционного совета муфтий РД Ахмад-хаджи АБДУЛАЕВ
заместитель муфтия РД Махди-хаджи МУТАИЛОВ

Главный редактор
Патимат ГАМЗАТОВА

Редактор
Иса ОМАРОВ

Канонический редактор
Курамухаммад МАГОМЕДОВ

Ответственный секретарь
Ахмад МАГОМЕДОВ

Менеджер
Абдусабир АХМЕДОВ

Дизайн, вёрстка
Лейла ГУСЕЙНОВА

Газета зарегистрирована Федеральной службой по надзору в сфере связи, информационных технологий и массовых коммуникаций.

Свидетельство о регистрации ПИ № ФС 77-37006 от 29 июля 2009 г. При перепечатке ссылка обязательна. Набрано и сверстано на компьютерной базе газеты «Ассалам».

Отпечатано в ООО «Дом печати» по адресу: пр-т Акушинского, 20
Заказ № _____
Тираж 3000 экз.
Сдано в печать 31 июля 2011 г. в 20:00

Индекс 51388
Адрес редакции
367015, РД, г. Махачкала, ул. Аскерханова 13а.
Тел.: (8722) 51-85-22.

По вопросам подписки и доставки обращаться по телефону:
по Республике Дагестан – 8-988-699-28-24
по г. Махачкале – (8722) 914-222.

E-mail: assalamlak@mail.ru;
www.assalam.ru

Диндалухсса гъира ххи хъанай бур

ГЪУНЧУКЪАТІРАЛ ШЯРАВАЛЛИЛ ИМАМНАЦАЛССА ИХТИЛАТ

Кушиев Шагъабутин увссар 1968-ку шинал ГъунчукъатІув. Динналул элмурду лархъхьуссар ХІасан-хІажиначІа, Абсар-хІажиначІа ва цаймигу аьлимтурачІа. Бувккуссар динналул луттирду «ГъунчукъатІан» ва «Бархъаран».



дуллай, мизит бачин бувну уссия Атаев Мурад тІисса оьрчІ, цувагу ахиратлукъхъун лавгунни, аьпа баннав цал. 2002-ку шинал шяравун учІайхтту на шяраваллил жамятра-щал, бугъараминнащал насихІат-маслихІатгу бувну, имамшиву дуллай айивхъура.

Ина имамну зий айивхъуния шиннай цукунсса дахханашивуртту хьур?

На шиккун увкІун махъ мудан нюзмар-чак, эд-чак байссар. Аьркиннан динналул масалартту бувчІин буvara. Шяраваллил хІатталурдугу гъаттара-ккаччи буххаврия дуруччин хъунни. Килчинмур мизитгу бакъин буллай буру, давурттив най дуссар.

Имамнал давриву захІатшивуртту шайрив?

ЦІанасса чІумал мизитрал, диндалул масалартту хъхъичва буттал-буттахъал заманнай кунма, щаллуну бачин бан хъанай бакъар, жамятрал буххаву-буккаву чанну дунутІий.

Шагъабуттин-хІажи, шяравусса жагъилтуращал, школардайсса дуклаки оьрчІащал цукунсса даву дувару?

Нажагъ дуклаки оьрчІащал хъуна бакъаву шай, бувсмуних вичІи дишай, ла ласай. Чак бан лавхъхъуссагу бур.

ХъхъичІава зула шяраву бивкІсса аьлимтурая ци бусан хъунссар?

ХъхъичІа-хъхъич Къусухъал Мирза-хІажи тІисса аьлимчув ивкІун ур, МухІаммад Убринал хъхъичІунсса мутааьлим. МухІаммад Убринал хъунмасса библиотека Мирза-хІажиначІа къабивтун бур. МуначІа шаппа бивкІун бур лакрал дянив хъинну сий дусса мадрасагу зузи бувну. ГъунчукъатІрал шяраву яла маш-гъурми аьлимтал бивкІун бур ХІадислул арс Къурбан-Аьли ва мунала арс Нурулислам. Щалвагу Дагъ-устаннайх цІа дурксса лугу буссар буттал байбивхъуну, арснал къуртал бувсса «НасихІату-ль-аьвам» тІисса. Му лу жунма кІулли «ГъунчукъатІан» тІий.

Чавтара-хІажи тІиссагу ивкІун ур ххуйсса катиб, Кураллал Юсуп-

хІажиначІа зий ивкІсса. Мунал мукъІалва Къуръан цала каних чивчуну мизитирттавул буллуссар тІун бикІай Дарбантлив, Ахттав, ва цаймигу лазгиял щархъаву. Ялагу Аттал Аьли тІий, цала шаппа мадраса тІивтІуну дарсру дихълахъисса аьлимчув ивкІун ур. Мукунма, Дан-дамахъал Аьбулкъадирдул шаппа мадраса тІивтІуну бивкІун бур. Махънингу Къукуннал ХІажимусса-хІажинал мадраса къуртал бувсса араммтал бикІайва шяраву.

Шяравусса мизитирттал тарихрая ци бусан хъунссар?

Жул шяравалу хъхъичІра диркІун дур КІулушалу тІисса кІанттай. Гичча бивзун бур цІанасса миналин 1500-ку шиннарди. Гава чІумалва мизитрал гъану бивзун бур цІана Хъун-мизит бусса кІанттай. Цуп-

пагу бивкІун бур Къабалуксса лахъишиву, утташиву ва лахъшиву дусса. 1880-ку шиннарди мизит цІу буккан бувну, гъарза-гъарта бувну, лахъ бувну, минара бувну бур ГъазимухІаммадул арс Эсал ва Сулайманнул арс МухІаммадул каялушиву дурну. Гава чІумал бувса минбар бур Парауллятусса Иби тІисса устарнал бувсса.

Жул буккултран цукунсса насихІат банна?

Жула буттал-буттахъал заманнай кунма дин-исламгу дургъуну, элмугу лархъхъуну, ахиратрал чулухунмай чантІ увкуну, Аллагъгу ﷻ, Идавсту ﷺ рязину оьрму бутлай ккакканнав. Амин.

ЦІухху-бусу бувссар
МухІаммадманнар Бариевлул



Шагъабуттин-хІажи, хІакъинусса къини ГъунчукъатІрал шяравусса динналул тагъар цукунсса дур?

ТІайламур бусан нюзмар-чаклин шама-мукъа инсан учІарча ххарину икІара. Шяраву бур чак байсса агъали, жагъилталгу, хъунмигу, амма ми чІявучин цала маэшатралсса буллай, мизитраву къабучІай. Аллагънайн ﷻ щукру, махъсса ппурттуву зума дугълагъиссагу чІяву хъунни. Шинал бакІрах Къурбан бихлахимигу чІяву хъанай бур. Диндалул чулухунмай гъира чан-чанну ххи хъанай бур. Тамансса Ас-салам кказитгу чивчусса буссар, буккайссагу бур. Шинал бакІрах подписсагу цІу дуккан дувайссар.

Инава имамну авцІусса куц буси.

1999-ку шинал шагърулиятусса ва шяраваллил агъулданул хІарачатрайну жул мизит бакъин бувна. Муния махъ шикку МахІачкъалалия гъан бувсса кІяшама имам аххана хъуна, амма цаягу шиккува къаливчІуна. На шагърулий диндалул элму лахълахъиссаксса хІаллай имамшиву

ЛирчІсса зумарду хъирив лахъайсса куц

1 « Му бакъассагу, зарал бияврил нигъачІин хъуннасса духъурча, зума дугъаннагу къабучІиссар, чара бакъа ритан аьркинссар.

Мукунма, цила бакъасса оьрчІан ккукку буллалисса хъамитайпалунгу бучІиссар зума къадугъан оьрчІан зарал хъун тІий чІалай бухъурча.

Мукъилчинмур жура – муд къабуллуну, так лирчІсса зума хъирив лахъан ялуvmий – мигу буссар шанма журасса:

а) Чак ливчІсса (хІайз, менструация) ягу оьрчІ бувну оьгту нанисса (нифас) хъами. Миннан зума дугъан хІарамссар, амма рамазан барз къуртал шайхтту хъирив лахъан аьркинссар.

б) чак кутІа бан бучІисса дусса сафарданийсса инсаннахъ ихтияр дуссар зума къадугъан, му сафардануву захІатшиву хъанай дакъахъурчагума. Мунангу рамазан барз лавгун махъ хъирив лахъан аьркинссар.



Чак кутІа бан бучІисса дусса сафарданийсса инсаннахъ ихтияр дуссар зума къадугъан, амма хъирив лахъан аьркинссар

в) кІулшилия лавгун, увччу хъуну, аькьлу баххана хъуну, яхІ бан къашайсса куцдуй хъинну ккашил ягу мякъ хъуну ягу захІатсса даврий уну зума къадургъуминнагу хъирив лахъан аьркинссар, муд къабуллунма.

Ххюлчинмур жура – цукунчІавсса савав дакъанура зума къадургъумий. Миннай ялуvmссар шайкун анаварну тавбагу дурну, зума хъирив лахъан.

Гъашинусса рамазан зурул зумарду ялунчІинмур рамазан зуруйнин хъирив къалархъун личІарча, гъарца гъантлукъ ца-ца муд булун аьркинссар. Ялагу ца шинай личІарча, кІива муд булун аьркинссар. Му куцдуй гъарца шинал ца-ца муд ялун щайссар.

Жулва мазгъабрайн бувну, мудру булун аьркинссар инава ялапар хъанахъисса кІанттавусса агъаммур бакІлахърулийну (жучІава му хъанай бур лачІа). Амма Имам Абу ХІанифанал мазгъабрайн бувну, арцуйну булунгу ихтияр дуссар.

Лайлатул-Къадрилул хъхъунил ххирашиву

Ацния кивагу зурдардиву яла ххирамур, даража лаваймур барз – Рамазан барзри. Мунил хъхъурдардива яла ххирамур хъхъугу – Лайлатул-Къадрилул хъхъури. Мугу Рамазан зуруй цумур хъхъу дуссарив мийжанну къакълуссар. Куннал хъхъичра-хъхъичсса хъхъури тлар, куннал ацния арулку хъхъури тлар, куннал махъсса ацрагу хъхъурдардиву дуссар тлар. Миннугу я къуния цалчинмурди, я къуния шамулчинмурди, я къуния арулчинмурди, я къуния урчулччинмурди. Цания-ца диклан бюхъайссар тий бур. Кунналгу тий бур, Рамазан барз аьлхат хъхъуну байбиширча, къуния урчуллу хъхъу диклайссар. Итни хъхъуну байбиширча, къуния цаку хъхъу диклайссар. Тгалат хъхъуну байбиширча – къуния арулку хъхъу диклайссар. АрвахI хъхъуну байбиширча – къуния урчуллу хъхъу диклайссар. Ххамис хъхъу байбиширча – къуния ххюку хъхъу диклайссар. Нюжмар хъхъуну байбиширча – къуния арулку хъхъу диклайссар. Ххуллун хъхъуну байбиширча – къуния шамуллу хъхъу диклайссар тий. Хасил, му къл къадурну, къюлтI дурссарагу, хъхъурду уттара дулла, чир хъунмасса хъуншиврулли.

Лайлатул-къадр диклайсса хъхъунил аьламатгу: му хъхъу я хъиннура дяркъусса, я хъиннура гъелисса дакъа, дянивсса, паракъатсса хъхъу диклайссар. Хъхъурай Лайлатул-къадр диркун, кюрххил буккайсса баргъгу кялану, нур чаннану киклайссар. Му хъхъуну Аьршул-РахIманналул лувату арулцалла пардав ххя дуркун ита дакъайссар дуняллийн, лурда-лурсса аьрщарайн дяннин. Му чумал гьарца задрал, уртту-щинал, аьрши-чарил Аллагьнайн ﷻ сужда байссар. Му хъхъуну ккаччил хIапгу къачайссар. Лайлатул-къадрилул хъхъуну Аллагь Тааьлнал му шинаву, дуняллийн, халкъуннавун багъантисса амурду, хIукмурду, къазару гьарца инсантурал, жиндардил, хIайвантрал, ущу-щулгилул дуканмур, хIачанмур, данмур, дитанмур, хIатта гьарцан-нил зумату дуккантисса жуав, бигъантисса сзихI, ласунтисса ша, миннал ризкьирду, ажаллу, аьмаллу, ивчIантима, къашай хъунтима, хъин хъунтима, му шинаву лачIунтисири гьарал циксса лачIунтиссарив, бантисири марххала, бишунтисири марч, хъунтисири дяркъу, диклантисири кйришиву, ххяххантисири уртту, къама, ахулсса, гьарца му шинаву хIасул хъунтисса ишру, хIукмурду къадар буну азалданува лавсун дафтар-чичрурду дувайссар. РахIматрал, аьзаврал, миннун лархъхъумин-нул дафтар Жабраил малаикнахъ-

хъун булайссар. Уртту-щинал, бакIлахърулул, миннун лархъхъум-нил дафтар Мийкаил малаикнахъ-хъун булайссар. Гьарал, дякьил, мурчал, бургьил дафтар Исрафил малаикнахъхъун булайссар. Къашай-шиврул, ивчIаврил, мукуминнул дафтар Изрииллухъхъун булайссар. Минналгу, минний бусса куццуй Аллагьнал ﷻ хIукмурду нани байссар. Утти, му Лайлатул-Къадр тIалав дан ччарча, му диклайссар тIисса хъхъурду уттара давугу суннатссар, хъунмасса даража буссар. Хаснува мизитраву иьтикафрай авцуну зикри булла, чакру булла, дуа-ртту дулла, Заннайн леххаву тий икIаву хъинссар. Мукун чансса буну-гу бусса салихIсса, хъинсса аьмал Аллагьнайн ﷻ азарва цайми зурдар-дий бусса аьмалнир хъинссар. Лайлатул-Къадр дуаьлухъхъун жаваб дулайсса хъхъури. Му хъхъуну чIявуну – «Аллагьумма иннака аьфуввун, тухIиббул аьфва, фьяфу аьни» – учаву хъинссар, жаваб дулаврил сьятравун тIайла бавцуну жаваб дулун бюхъайссар. Му хъхъуну кIира ракааьт чаклил дарча, «альхIамрал» хъирив ару-аруйлва «къулгугу» бувккуну, ссалам буллу-кун арулцарийлва «Астагьфирул-лагъ ва атубу илайги»-гу увкуну, муналу, мунал нитти-бутталу бунагьру шюшайссар, Алжаннаву хъунмасса неьмат, чIюлушиннагу хIадур дайссар. ИвчIайний, му цан-ма Алжаннаву хIадур бусса неьмат-кIану чIалану биклайссар. Му хъхъу-

ну шамийлва – «Ля илягъа илля Ллагьу МухIаммадун-Расуллагь» чирча, цаннийну – мунал буна-гьирттал аьпа байссар, цаннийну – дуржагърая хассал айссар, цаннийну – Алжаннавун уххайссар. ХIасил, му хъхъуну ца чансса хIаллай эбадат дулла и ацIарча, мунил даража Аллагьнайн ﷻ хъунмасса. Му хъхъуну, ссавруннайсса мала-иктал лухччинийн ликкайссар. Ссавнил хулуруду титлайссар. Жабраиллул кIирагу нурданул хъару машрикьрайнгу, магьрибрайнгу дияннин халкъуннал ялтту тити

ликкайссар ца-цаннишал арулцIала малаикгу аьрхIалну. Ца – ливауль-хIамд тIисса ца даврил ттугъ, ца – ливау-р-рахIмати тIисса рахIму баврил ттугъ, ца – ливауль-ка-рат тIисса хъуншиврул ттугъ, ца – ливауль-магьфират тIисса аьфву баврил ттугъ. Гьарцаннийгу чивну-ну буссар: «Ля илягъа илля Ллагьу МухIаммадун-Расуллагь». Му, ца хIамдирал ттугъ бищайссар ссавнил ва лухччинул дянив. РахIматрал ттугъ бищайссар Къабалий, кара-матрал ттугъ бищайссар Байтул-мукъаддаслив. Аьфву баврил ттугъ



дакъайссар. Му хъхъуну ссавруннай ца цими ликкайссар, му цими Жабраиллул гьарца уттавацца икIу, ивкIусса икIу, муьминтурайх бачайссар. Миннан биял хъуну ххисшаламур щин булуви куну Жабраиллул Аллагьнахъ ﷻ суал байссар. Аллагьналгу ﷻ му хъхъуну бусса оьрчIан була чайссар, чапуртурал бухъурчагу. Мунийну, мий чапуртурал оьрчIру бусурман-шиврий литлайссар – куну. Ялагу му хъхъуну ссавруннай мукъва ттугъ

бищайссар МухIаммад идавсил ﷺ гьаттай. Ми малаиктуралгу гьарца хъунаав-къусса муьминчунахъхъун ссалам булайссар. Миннал къатравунгу бувххун, шанакъашиманахъхъунгу ссалам булайссар. Аллагь ﷻ кIицI лаглагиманахъхъун Жабраиллул ссалам булайссар. Чак буллалима-нахъхъун Аллагьнал ﷻ ссалам бул-лайссар. Му хъхъуну, чани хъуннин, мукун ссалам булла биклайссар мий малаиктал.

Зума ритавал кьини

1 « Му хъхъу уттара давугу хъинссар, шанан къаивкIун, тIааьт-эбадат дулла, Кьуръан буклай, зикри-салават ккалай. Щалла хъхъу мукун гьан дан къабюхъайманал, мунил хъунмур чIун эба-датрай гьан дувача. Мугу къабюхъайманал ца сьятту дурну, хъатIан чак ва кюрххил чак жамааьтрай бан хIарачат бувача. Кюрххил Эдрал чаклин ачиннин чурх шовшону, марцIшиву дурну, ххаллилсса янна лаххаву, нахIусса къанкъ даву суннатссар. Эдрал кьини чак баннин мукьтуршва: «Ля илягъа илля Ллагьу вахIдагьу ля шарика лагьу, лагьул мул-ку, ва лагьул-хIамду юхIги ва юмиту ва гьува аьла кулли шайин къадр» учирча, мукьтурша лагь тархъан ивтсаксса чир буссар, цайми лавайсса даражарттугу буссар. Эдрал хъхъу дуркIукун, гьарца ливтIусса муьмин-турал рухIру ссавруннай лухччинийн лирккун, цалла къатрал лигма щя диркIун, лагмара ккуранну дурну оьвтIун диклайссар, инсантурал къабаярчагу: «Жугу зу кунма дуняллий вай къатрал, ми ххуслил залухъруну бивкIуссару, жугу дакIнийн багьияра, жухлуну садакъагу бувара, жул гьаттайн зияратту



бувара, жунгу жува бусса хъинсса аьмал бакъа къа-лявкъунни» - тий кюрххилнин диркIун, яла цалла кIанайн кIура даяйссар. Миннал гьаттайн зияратту буну, миннахлу садакъагу барча, ххарину тирх тий лагайссар, къабарча, пашманну лагайссар. Му кьини ливтIуминнал гьаттайн зияратту буну, миннаяту садакъагу буну, ххуйсса яннагу ларххун, ххуйсса хIалалсса дукра дурну кулпатрангу, махъминнангу аваданшивугу дурну, кунначIан кув зияратрайнгу лавгун, хIалалшивугу ласаву хъинссар, ссуннатссар. Амма, му кьини чIярусса дукра дуркуну, чIярусса хIан хIарчIун, оьккисса махсартту, хъярчу булла, иблис рязий буну, Заннан ﷻ сси бизан баву къахъинссар. ХIатта, гьарца Эдрал кьини иблисрал оьвкуну цилва аьрал бавтIун учайссар: «ХIакьину МухIаммад идав-сил ﷺ умматиннал аьпа байсса кьинири, зу хIарачат бара, мий дукралухун, хIачIиялухун, махсара-хъярчи-рахун машхул буну, бунагьру бан буну, Аллагьнан ﷻ сси бизан бансса» - куну. Мукун бухъувкун, му кьини дукралухун, хIачIиялухун, бунагьирттахун маш-гул хъуну, иблис рязий буну дургьусса зумагу зия къадурну, Аллагь ﷻ рязи хъунсса, хъинсса аьмаллу чIявусса бан аьркинссар.

Эдрал чак

Зума ритавал байранналул къини Эдрал чак баву – Исламрал аьлама-три, суннатун муаккадар (гужсса суннат). Идавсгу ялув авцуну буллай ивкиссар. Хатта, фарзукифаятри тийгума бур. Му чак жамааьтрай баву суннат баврил хикмат: ххирасса байрандалул къини халкъ кунначлан кув бавтун, му чакгу буну, дакIругу цачIун дурну, ххавхмийгу дакъил хьуну, хIалалшивурттугу ларсун ялтту бучIарча, миннайн Аллагьнал цими ликкайссар. Хатта, муьминчунан лайкъ бакъассар му чаклия ххавхманащал дакъил къавхьуну гьан, ца озьру бухьурча бакъа.

Эдрал чак баврил чIунгу – кIюрххил баргъ бивну махъ ахттайн бизаннини. Яла ххирамур чIун – баргъ чансса гъаз хьувкунни. Мизитраву бавугу хьинссар. Жамааьт мизитраву къума хъанай бухьурча, авлахърай баву хьинссар. Цалвалу буллай ухьурча, хутIба къабувна байссар. Цуппагу кIира ракааьтрай байссар. Байсса куцгу: «На ният дурунни зума ритаврил Эдрал чаклил суннатсса кIира ракааьт дан хъунасса Заннайн Аллагьу акбар» - куну бахIинссар. Имамнал хьирив буллай ухьурча, имамнал хьирив чинссар. Яла «Важжагьгу» дуккинссар. Ялагу «Аллагьу акбар» куну, кару гъаз дурну, «СубхIаналлагьи вальхIамду лиЛлягьи ва ля илягьа илляЛлагьу ваЛлагьу акбар» учинссар. ХьхьичIмур ракааьтрай му куццуй аруйIва такбир бантIиссар, цал буну цал баннин мий махъругу учинтIиссар. Яла «альхIам» буккитIиссар. Килчинмунийгу ххюйIва такбир бантIиссар, гайва махъругу учинссар. Яла «альхIам» буккитIиссар. ХьхьичIмур ракааьтрай «Къаф» ягу «СаббихIисма» буккитIиссар. Килчинмуний «Икътараба» ягу «Гьал атака» буккитIиссар. Яла салам буллукун, ивзун хутIба банссар нюжмьрдуд хутIба кунмасса. ХьхьичIмур булланнин урчIилва «Аллагьу акбар» чинссар, хьиривмур булланнин аруйIва учинссар. Му байни азан-къаматгу къаучайссар. ШамийIва «Ассалата жамиаьгъ» учинссар. Эдрал чаклийн нанисса адиминал чурх шюшавугу суннатссар. Му гьуслу баврил чIунгу хьхьу дачIи хьувкун духхайссар. Ххуйсса марцIсса янна лаххаву, чIюлу шаву, нахIусса къанкъ даву суннатссар. Михьру къукъаву, чурх марцI баву суннатссар. КIюрххилва бучIавугу суннатссар. Бахьгта, хIаллих бачаву хьинссар. Имамрив, чак бан чIун хьувкун учIанссар, учIайхгу бугу булланссар. Хатта, имамнал мизитравун увххукун, суннат-чакгума къабанссар. Хьуни хъами бучIавугу суннатссар, амма чIюлу къавхьуна бучIанссар. Чак буну махъ, увкIсса ххуллийх зана къавхьуну, цамунийх кIура авну лагавугу суннатссар, чире хьунмассар. Эдрал чак шаппа буллалиманангу цалва кулпатращал, чIаххуращал, гьан-маччаминнащал жамааьтрай буну хьинссар. КIай дуаьртту къакIулманал цувалу буллай ухьурча, кIира ракааьтрайсса суннат чак банссар цанма кIулсса куццуй, Эдрал чак бансса нийятту дурну.

ФитIрулул закат

Аллагьу Тааьлал хъус марцI дан хъуслий закат ялув бувсса кунма, чурх марцI бан, зумалувусса диялдакъашивуртту кIучI дан, му зума АллагьначIа къамулулу лякъин, зумаритавал ссахIгу ялув бувссар. Лагьнал дургъусса зума лухччи-ссавнил дянив дарцIуну дикIайссар, ссахI букканнин ссавруннайн къалахълай.

макъала: Расул Пайзуллаев

ФитIрулул ссахI буккан ялувссар гьарца бусурманчувнаяту – чивисса икIу, хъунасса икIу, зума дургъусса икIу, къадургъусса икIу, Эдрал (зума ритаврил байрамрал) хьхьунугу къинигу цаллагу, цалва кулпатралгу дуркуну, ххишала шайсса хъус дусса адиминай. Мукунма, цайва нафакъа ялувминнаятугу буккан ялувссар – кулпат-щарсса, оьрчIру, нину-ппу.

Мукун ливчIманал мугълат бакъа хьирив лахъан аьркинссар. СсахI бичайссар цува усса кIанттаву чIяруну ишла дайсса бакIлахърулийну. ЖучIава Дагъ-усттаннай му хъанай бур лачIа. ЖуIва мазгъабрайн буну, ца лачIал ссахI дянивну 2 кило ва 400 грамм хъанахъиссар. Цайми аьлимтурал тIимунин буну – 2 кило ва 700 гр, мунияту, чансса ххишалану хIисав буну хьинссар. ЛачIайну ссахI буккан захIмат хъанай бухьурча, Имам Абу ХIанифанал мазгъабарайн буну, арцуйну буккан ихтияр дуссар. Абу ХIанифанал мазгъабрайн буну, ца ссахI 3 кило ва 700 гр хъанахъиссар. Мукун, арцуйну буклай ухьурча, нийят данссар: «Ният дурунни на фаризасса фитIрулул ссахI Имам Абу ХIанифанал мазгъабарайн буну арцуйну буккан ттухлува (щарсса-

4. Цуну Ислам къамул дурманангу булунтIиссар, бусурманшиврий цIакъ хьуннин.
5. Залуннал хъус дулурча тархъан итанна кусса лагьнангу булайссар, му тархъан хьуншиврул аьркинссаксса.
6. Ялуршиннаралун, буржиравун агьманангу булунссар му бурж лахъануксса, хIалалну бувсса бурж бухьурча, цалва чурххан, кулпатран аьркин дан, дучIи дан ларсьсса. Ягу ХIажлив гьан, зияратрай гьан, гъазаватрай гьан ларсьсса. Ягу ххавхмий бакьил бан, хъамал хъамалу бан ларсьсса, мизит бан, ламу бан, ясир увма тархъан ан ларсьсса. Мукунма цайми хьинбаллартал ххулий ларсун, буржиравун агьну ивкIхьурча. Амма бунагъ буллай, исрапшиву дуллай, хIантту хIачIлай, буржирдаву агьманан къабулунссар. МарцIну, хIакъну тавба дарча мунагу булун бучIир.
7. Чикъавчуну, харж къабивхьуна, Аллагьнахлулу увкун нанисса гъазинангу булунтIиссар, ярагъ, чу, лаххия машин ласунсса, хъус дусса ухьурчагу.
8. ХIалалсса ссапарданий нанисса мусафирнангу цува нанинин иян-нсса къадар булунссар, канихъ за дакъа ливчIун ухьурча. Бунагъсса, хIарамсса сапарданий наниманан-нив къабулунссар.



Му ссахI ялув шайссагу, Эдрал хьхьуну баргъ лавгукунни. Мунияр махъ ивкIуманаятугу, мунияр махъ бувсса оьрчIаятугу буккан ялув бакъассар. СсахI буккайнигу нийят дан аьркинссар: «Нийят дурунни на фаризасса фитIрулул ссахI буккан ттухлува (щарссанихлу, оьрчIахлу, цама пурман лавсьсса инсаннахлу) хъунасса Заннан Аллагьу акбар» - куну. Балугъ къавхьусса оьрчIаятугу буттал нийятрайну буккайссар. Ппу акъа-хьурча цама валийнал нийятрайну букканссар. Мугу акъахьурча цама-нал щил бинугу буккан бучIиссар. Ппу акъасса чIумал, оьрчIаяту нит-тил буккангу бучIиссар. Щарссанил, лас акъасса чIумал, мунал хъуслияту, циятува ссахI буккангу бучIиссар, мунал изну бакъанугу. Щарссания изну бакъана ласнал буккангу бучIиссар. Хьунав хьуманал цама вакил ангу бучIиссар, цаятува ссахI буккан пурман буллуну. Вакилналгу мунаяту буккан куну ният дурну букканссар. СсахI щалва Рамазан зурул муттаний буккан ихтияр дуссар, яла хьинмур, суннатмур чIун – махъва-махъсса къини баргъ лавгун махъ, байрандалул къини Эдрал чак буллай байбиннини. БучIиссар байранналул къини баргъ гьаннин буккангу. Мунияр махъун бутаву хIарамссар.

нихлу, оьрчIахлу, цама пурман лавсьсса инсаннахлу) хъунасса Заннан Аллагьу акбар» - куну.

ФитIрулул ссахI булайссар вай мйива журалул инсантуран:

1. Факьир. Мугу хъанахъиссар я хъус, я касму дакъама. Масала, хьхьу-къини ацIва шагьилий мюхтаж хъанай уну, кIива-шанма шагьи бакъа, цамур хъус дакъасса. Шариатрал элмулукун машгъул хъусса, дурккусса аьлимчувгу, дуклакисса мутааьллим-гу, факьиртуран хIисавссар, миннан-гу булайссар, цивппа циксса хъус дусса бухьурчагу. Цанчирча, касму дулларча, му элмулукун машгъул хьун къашайнутIий. Амма элму дурккусса унугу халкъуннан мюн-пат бакъасса ухьурча, мунал булун къабучIиссар.
2. Мискин – касму дан шайма, чан-къансса дунугу хъусгу дума, амма диялну дакъасса. Масала, ацIва шагьилий мюхIтажну уну, хьхьу-къини арулва-мйива шагьи бакъа, цамур хъус дакъасса.
3. Аьмил – ссахI батIавриха, чичавриха, ябавриха, бачIавриха, булун лайкъма личIи авриха зузима. Мунан закат булайссар дурсса даврихсса харж хIисаврай.

Вай мйива жура бакъасса цаймин-нан, масъала, ятинтуран ягу къаша-вайсса инсантуран, кIай мйивагу журалулун багълай бакъахьурча, ссахI булун къабучIиссар, булурча, му укунмасса садакъалун ккалли хъанахъиссар ва мунийну ссахI бичаврил бурж барт къалагайссар. Цаннан булавунияр чIявуссанан буллуну хьинссар. Ми закат ласайсса мйивагу журалул халкъ цивппагу бусурмансса бикIан аьркинссар, чапурчунан закат къабулайссар. Миннавугу аьжизманан, цана гьанман, дин думанан, хьин-манан чан-къансса ххи бан бучIиссар. МухIаммад идавсил тухумдалиятуманангу булун къабучIиссар. ХьхьичIсса шиннардий ци-дунугу савав хьуну къабулунма ливчIсса ссахIгу шайкун анаварну хьирив лахъан ялувссар. ФитIрулул ссахI цува усса шяраву буккан ялувссар. Му щарнил мискинтурайх, закатрал агьулданийх бачIинссар. Микку закатрал агьлу бакъахьурча, му цува усса шяравун яла гьанмур шар цумур дурив ххал дурну, му шяравусса мискинтурайх бачIинссар. ЖуIва кIанттаву ссахI ласайми яла чIявуну шанма журалул бакъа къабикIай: факьиртал, мискинтал, буржирдавун багьмий (мутааьллим-талгу факьиртуравун ккалли байс-сар). ФитIрулул ссахI щаллуну, къамулу хьунсса куццуй бугу бувкун, багъайсса куццуй багу бавчIусса бусурманчунан чIярусса хьиншивуртту дуссар: бунагърая марцI шайссар, дуржагьрал цIарая ххассал шайс-сар, гьаттавату иминну уккайссар, ссиратIрайх пар куна лахъайссар, хьиншивурттугу шайссар, Идавсил шафааьт бияйссар, Алжаннул агьлу шайссар, бувсса аьмал къамулул лякъинтIиссар, зумалувусса диялдакъашивуртту мунийну дарзуну, къамулулу шайссар.

Эмрандул арснал Муса идавсил السيرة къисса

ГЪМУЧАТУССА ГЪАЗИ-АЛЬ-ХИУСАЙНИНАЛ «МАТИАЛИОБЛ-ЖУМГЪУР» ТИССА ЛУТТИРАВА

Мисриллал Раян тисса паччахI ивкIун ур. Мугу Бану ИсраилтурачIа хъинну хIурмат бусса паччахI ивкIун ур. Мунал заманнай миннал ашкарану Аллагънаха ﷺ лагъшиву дуллай бивкIун бур. КIанаяр махъ ганал арс Санжаб паччахI хъуну ур.

Му заманнай Мисрилив ттуршлий арулцалла шин хъусса Мусъэб тисса ятти-хIухчу ивкIун ур, цувагу оьрчI бакъасса. Мунан ца кьини ца оьлил бярчI буну ккавккун бурча, муний хIусуд хъуну ур. Яла Аллагънал ﷺ му оьл гъалгъа тIутIи буну бурча, мунил увкуну бур: Я Мусъэд, вин ца арс анссар, дуржагърал ца рукуну икIантIисса, куну. Яла мунал щарссанил лякълу-ву Фираьвн хъуну ур. Му лякълу-ву унува Мусъэбгу ивкIуну ур. ОьрчI увкун, мунан цагу Валид дирзун дур. Му чIивину унува ниттил тIаннул усттар-турахъхъун уллуну, хъинсса таннул усттар хъуну ур. Яла къумардай уклакаврихун агъну, нахIу лавчIун ацIан къахъанай ивкIун ур. Мунан ялунцагу дирзун дур Фиръаьвн тисса. Яла къумардай уклай занан ивкIун урча, мунаща гъарзад дурххуну, чурхай янна дакъа, ца ххилчIагу ялун дуртун, халкъуннасса начлил ливхъун лавгун ур. Цаппара хIаллава занан ивкIун урча, ниттил цIувкуну бур: «Ина вила тIаннул устаршиву дулланнав?» - кунуча, ганалгу «На ттунма ччимур бакъа къабулланна» - куну бур. Яла цахъавасса ца диргъам-рах къалпуз лавсун, га бахлай ххуллий щяивкIун ур. Яла ххуллул ялувацIу увкIу, мунахъ ххуллий маша бан щяикIаврих ца диргъам булла куну бурча, Фираьвннул увкуну бур: «Яр ттухъ дахлай дуссарагу ца диргъамрансса задрихха» - куну. Ганал увкун бур: «ПаччахIнал буюрди гъарца за даххуяту диргъам ласун» - куну. Яла Фиръаьвндун си бивзун, цала хъусгу дуний къадиртун, лавгун шагърулу-вух цурк, къачагъшиву дуллай занан ивкIун ур, ку чIумал лихълай, ку чIумал увгъуну дуснакъ уллай. Ца кьини амаликьатътура-ясса ца адимина чал лавсун ливхъун бугъан къахъанай буну, Фиръаьвн му чайн ххявххун, хъхъури дургъуну бацIан буну бурча, му адимина увкуну бур: «Я Фиръаьвн, ина ца цIакъсса адимина ура, агана ина рязи хъурча, на ина ттула арс куна итавияв», - куну. Фиръаьвнгу рязи хъуну ур. Цаппара хIаллава му адиминагу ивкIуну, мунал варис акъахъукун, цинярада хъус Фиръаьвндун лирчIун дур. Ми хъусгу ларсун ниттичIан занан хъуну, духлаганнин ми канай,

харж дуллай ивкIун ур. Яла ми духларгукун, мунан дакIнин багъну бур Мисрливсса хIатталлул хъулук щяивкIун, жаназарттаяту дишаларт-ту ласлан. Агъалинагу паччахIнал буюрданин буну ласласисса ххай бивкIун бур. Му куццуй щяивкIун, лув ца задгу дуртун, цана ца къуллугъчигу увгъуну дишала датIлан ивкIун ур, халкъунналгу дуллан бивкIун бур, паччахIнал буюр биттур баншиврул. Вана укун Фиръаьвндун чIарусса хъус цацIун дурну дур. Ца кьини паччахIнал душ бивкIуну бурча, Фиръаьвн ганил жаназалуцIун лавчIун, дишала дула тIун ивкIун ур. Му иш паччахIнан кIул хъувкун, ганан Фиръаьвн ивчIан пикри хъуну бурча, ганал чIарусса хъус дуллуна ххассал хъуну ур. Яла паччахIнал дакI ххуй хъуну, Фиръаьвн цала даву дуллай къаитан ччан бивкIун бурча, вазиртурал увкун бур: «Му оьккисса зад бур, цайми паччахIтуран баярча начсса зад бур жаназарттая харж ласласаву», - куну. Яла Фиръаьвндун увкун бур: «На цIакъсса адиминара, вила къаралданий каялушиву даву ттул канихъ хъун була» - куну. Му паччахIгу душмантал чIавуса адимина ивкIун урча, мунияту ганал Фиръаьвндудей халатгу лархун, къаралуннал ялув ивтун ур. Яла Фиръаьвндун шагърулул дянив къаттагу буну, цанма къанкъаса кумагчитал-гу бивгъуну, къарал буллан бивкIун бур. Ца хъхъуну паччахIнан макI ккарккун дур ца лухIисса аькь-рабрал цайнма къацI увкуну. ПаччахI нигъа увсун, чантI увкуну, хъхъувайва чай буртти ивкIун цала ца вазирначIан авчуну ур цала макI бусан. Му най унува Фиръаьвндун бакIрайн агъну, цала къатлу-ву увчуну урча, паччахIнал Фиръаьвндудей цала макI бивсун бур. Ганалгу цала тур ларсун, паччахIгу ивкIуну, ганал яннагу ларххун лавгун ур паччахIнал чIалгъаьлувун. Гиву тахлий щяивкIун, бакIрай тажгу бивхъуну, ххазинарт-тугу тIивтIуну, вазиртурайн оьвкуну бур. Гайгу хъуслих бакьин буну, цайнма мютIий буну бур. ХъхъичIа-хъхъичI муначIан увкIун мунал хъхъичI сужда бивма Санжаб-паччахIнал лагъ Гъаман хъуну ур. Мунал хъири вазиртурал сужда буну бур, яла кумагчитурал буну бур, яла бивчIултрал буну бур. Яла Фиръаьвндун хIакъну Аллагънайн ﷺ лагъшиву дуллалиса Бану ИсраилтурачIан цалва халкъ гъан буну, цацIанма бучIан буну цалва хъхъичI сужда бан буну бур. Амма гайннал ният-къаст Аллагънайн ﷺ сужда бансса диркIун дур. Яла Иблис бивкIун увкуну

бур: «Я паччахI, ина ихтияр дулурча, на винма инава халват шавансса къанч бавияв» - куну. Фиръаьвнгу рязи хъуну, къанчру бувара, къанчурдиха лагъшиву дара, куну буюр буну бур. Амма Бану Исраилтал къюлтIну Аллагънаха ﷺ лагъшву дуллай бивкIун бур.

Музагъимдул душнил Асиятлул хавар

Асият ниттил лякълуву бусса чIумал ганил бутан Музагъимлул макIра ккавккун бур ца щюлисса мурхъ цала бурхIавату бивккун, яла ца хъатIу му мурхъирайн багъну, ва ттулли тIий. Музагъим чант увкуну, му макI ца салихIсса макIличIухъ бивсун бурча, мунал увкуну бур: «Вин ца ххуйсса, тIайласса душ бансар, амма цуппа чапурчунан багъанссар, шагъидгу хъунсар», - куну. Яла Асият оьрмулул къура шинавун бивукун, муничIан ца хъхъи кунмасса лелуххи бивкIун бур къацIлил ца ттеркъюкьи дургъуну. Га ттеркъюкьи душнил каравгу дуртун, увкуну бур: «Асият, ина ва къурщан ласи, ва щюлли хъувкун, ина шар хъун чIун хъунтIиссар, ва ятIул хъувкун, ина шагъид хъунтIиссара», - куну, му лелуххи лувххун лавгун бур. Асиятлулгу му къурщан ларсун, цила каний дархIуну дур, цуппагу эбадат дуллан бивкIун бур. Музагъимдул душнил хъиншиврул, ххуйшиврул хаварду халкъуннавух машгъур хъанан бивкIун бур, Фиръаьвндунгу бавну бур. Ганан Асият цанма буцин чалк бивкIун бур. Була учин халкъ бивкIукун, мунил бутта буруккиттаравун агъну ур. «Ттул душ ттигу чIивисса бур», - куну жаваб дуллулу дур. Амма Фиръаьвн му баян-вагу ччай къаивкIун ур. Яла Музагъимдул хъунмасса магъар тIалав буну бурча, Фиръаьвн булун рязи къахъанай ивкIун ур. Асиятвив цукунчIав ганан шар хъун рязи къахъанай бивкIун бур. Ахирданийгу лагмаминнал маз-къаз бихълай Фиръаьвндун ганин халгъаьтгу магъаргу гъан буну бур, амма душнил къамул къабуну бур. Яла махънал ганихъ маз-къаз бихълан бивкIун бурча, ина вила диндалий бикIантIиссара, га цала диндалий икIанссар, тIий. Ганин магъарданунгу бивхъуну бивкIун бур къура пут мусил, микссара арцу. Яла цукунугу Асият ФиръаьвндучIан гъан буну бур. Ганин къуллугъчитал буллулу бур, чIавусса ятту-гъаттара биххан буну бур. Фиръаьвндун ганин ка лаян къаст дурну дурча, Аллагъу Тааьланал ганава адиминал къувват лавсун, за бан къахъанай ливчIун ур. Даин му куццуй чичIав бан къахъанай ивкIун ур.

(гихунмайгу буссар)

ХIажатханттувун уххаврил адабру

Жунма кIулсса куццуй Исламраву гъарца ишираву цилла адабру дуссар. Дуссар мукусса адабру хIажатханттувун уххаврилгу. ХIажатханттувун уххайни киямур чулгу, киямур ччангу хъхъичIну уххайссар: «Бисмиллагъ. Аллагъумма инний аоьзу бика миналь хубси валь хабаис» - тIий. Уккайний урчIамур ччан хъхъичIну уккайссар: «Гъуфранака. АлхIамду лиллагъи лязи азгъаба аьннил аза ва аьфаний» - тIий.

ХIажатханттувун наниний тIагъарат баншиврул я щин аьхIал дакъа къагъанссар. БакIрай къяпа бакъа, ччаннай ус дакъа къагъанссар. КIачIану, янна дакъа къагъанссар. Гивун ухханнин аьврат чIалачIи къаданссар. Къюнари, гунгуми куя канил бивгъуну къаласунссар, урчIа канил бакъа. Аллагънал ﷺ ца дусса, Идавсил ﷺ цIа дусса, Къуръан бусса зад архIал бивсилунссар. АвцIуну кIущин къабанссар, щяивкIун баву хъинссар. Адиминал никру ххяхха даттан дурну банссар, хъамитайпалул цацIун лачIун дурну банссар. Щя ивкIукунгу, киямур чулийн хъарну щя икIанссар, хIажат дуккан бигъассар. Изайний урчIамур чулийн хъарну изанссар. Буллалиний сивак къадуккансар, яру къалакъинссар, ххинчурдах ка къадишинссар, никирттайн бакI къадутанссар, урчIамур ка киямунил ялув къадишинссар, чIирайн чул къабишунссар, ихтилат, калам къабанссар, ах-пув къачинссар, оьнци-ххян къалишинссар. Аьнч учирча, мазрал къакуна, дакIниву «АлхIамдулиллагъ» учинссар. Аьвратрах къауруганссар, хIажатрах къауруганссар, савруннайн къауруганссар. Изайний, хIажатрайн тиликIну, урукъавгун изанссар. Мукун изарча, муниву урчIаллий урчIра цIуцIаврин дарман буссар. КIущин буллай лахъигу къалаганссар, бюхъавай ччяни укканссар. ХIажатханттуву акъа, къатув, авлахърай ухъурча, инсан чIалачIиний къабанссар. Миннан чIу къабаяйсса, къанкъ къарищайсса кIанттайн лавгун банссар. Кьиблалийн лажинну я ттиликIну, бургъи-зуруйн лажинну баву хIарамсар. Мизитраву бан, хIатталив, Идавсил ﷺ гъаттачIан гъанну, цайми-цайми идавстурал, валийтурал, шайхтурал гъаттардичIан гъанну бан, цана заллусса кIанай бан хIарамсар. Марва-Сафалий къабансар, Миналий, Аьрафатрай къабанссар, Муздалифалий къабанссар, цайми-цайми хIажийтал батIай кIанай къабанссар. ДарцIусса щинавун къабанссар, чаклийн иссай кIанай къабанссар, мизитрачIан гъанну, КъуръанналучIан гъанну къабанссар къабанссар, карагъатссар. Чарийн, къунттайн, къанкъасса кIанайн, мурчал чулухунмай къабанссар кIунтIру къабагъан. Лухччинийсса хъякрулувун бавугу къахъинссар, жиндардил зарал байссар, хIатта ивчIайссар. Ахъулсса дусса мурхъирал лув къабанссар. Инсантал щя бикIайсса кIанай къабанссар. Халкъ нанисса, заназисса ххуллий къабанссар, карагъатссар. МухIаммад Идавсил ﷺ увкуну бур: «Зу бурувччуну бикIияра лааьнантураяту. Мунахъ цIувххуну бур: «Лааьнантал царй?» - куну. Идавсил ﷺ увкуну бур: «Ми халкъ заназисса ххуллийнгу, халкъ щя бикIайсса, ххют дусса кIанттайнгу кIущаймири», - куну.)

ТIагъарат байсса куц

КIущин буну махъ, тIагъарат бан ялувссар нажас марцI даншиврул. Идавсил ﷺ увкуну бур: «Зу бурувччуну бикIияра кIущаллануя, мунил цIанийри гъаттаву инсаннаяту цалчин хIисаб-суал дайсса», - куну. ТIагъарат байсса куцгу: урчIамур канил щин дуртIуну, киямур канил тIагъарат бансар, нажас марцI хъуннин. Цал хъхъичIмур аьврат шюшинссар, яла мукахаалу шюшинссар. МарцI къархъухъунссар тIий хъиннура чIарусса щин рутIлайгу къашюшланссар. Мугу щяйтIаннул вас-васри. ЩяйтIан мунай хъан бикIайссар.

Шавваль зурул хжирашиву

Шавваль – Рамазан зурул хъиривмур барзри. Му зурул цалчинмур къини – Зума ритавал байрам-рал къини хъанахъисар. Му къини зума дугъангу къабучИссар, хIарамссар. Хъиривсса ряхва гъантлий дугъавури – суннатссар.

макъала: ХIабиб ХIажиаълиев

Фаризасса зума дугъайсса Рамазан зурул хъирив ялагу ряхра зума дугъавриву цукунсса хIикматшивури дусса? Мунил хIикматру чIаруссар. Шаллусса зуруй ссаур дулла, дукра чанну канай бивкIсса инсантурал нафсран ччан бикIайссар цакуну чIарусса дукра канан. Мукунсса чIумал цIунилгу зума дугъаву нафсран хъинну захIматссар. Мунил буну, Шавваль зуруй цалва нафсрайн къарши увкун, Аллагъ Ꞥ рязи увну зума дугъаврихсса чирин хъинну хъунмассар. Абу Аюб аль-Ансариная Ꞥ бувкIсса хIадисраву МухIаммад Идавс Ꞥ тIий ур: «Рамазан зуруй зумагу дургъуну, хъирив Шавваль зуруйгу ряхва гъантта бувгъуманан щалла шинай зума дургъуссаксса чирин буссар» (Муслим). Шавваль зурул рях-

ва гъантта ва щалва Рамазан барз цинугу 36-ва гъантта хъанай бур. Вай зувилли ряхва гъантлий зума дургъуманан мукун хъунмасса чирин циван буссарив жунма бувчIлай бур цамур хIадисрава. Ибну Аьббас Ꞥ буслий ур Идавсил Ꞥ увкушиву: «Хъинсса аьмал бан ният дурну, амма му бан къавхъуманан Аллагънал Ꞥ ца хъинсса аьмал бувссаксса чирин чичинтIиссар. Хъинсса аьмал бан ниятгу дурну, му аьмал бувманан Аллагънал Ꞥ ацIва хъинсса аьмал бувссаксса чирин чичинтIиссар. Оьсса аьмал бан ният дурну, амма къабувманан Аллагънал Ꞥ ца хъинсса аьмал бувссаксса чирин чичинтIиссар. Оьсса аьмал бансса ниятрай му аьмал бувманан так ца бунагъ чичинтIиссар» (Бухари, Муслим). Ва хIадисрава жунма бувчIлай бур бусурманчувнал бувсса гъарца хъинсса аьмалланух ацIлийнуса чирин бикIайшиву. Муният, гай зувилли ряхрагу зумалух ацIлийнуса чирин бухъувкун, цинугу шантуршлий ряхцIалва гъантлий зума дургъуссаксса чирин хъанай бур. Муният, вай суннат-сса зумарду даин дугъайсса инсаннал оьрмулхун зума дургъусса кунмасса чирин



бикIантIиссар.

Рамазан ва Шавваль бакъасса цайми зурдардивасса 36 гъантлий зума дургъуманангу щалла шинай дургъуссаксса чирин бикIантIиссарив куну цIуххирча, мунил аьлимтурал укунсса жаваб дуллай бур: Рамазан ва Шавваль зурдардий дургъусса зувилли ряхра зумалух щаллусса шинай фаризасса зума дургъуссаксса чирин буссар, цайми зурдардивасса вайкссава гъантрай

дугъарча, шинай суннатсса зума дургъуманануксса чирин чичайссар. Жунма кIулли фаризасса аьмалланухсса чирин суннатмунихсаннуяр цукссагу хъунмасса бушиву. Муният Шавваль барз ита къабавкъуну, жунма Ахиратулу мюнпатну лякъинмур барча хъинни. Ялагу цIухлан бикIай, Рамазан зуруй фаризасса зума къадугълай ивкIсса инсаннан Шавваль зурул гъантрай сун-

натмур дугъан бучИссарив тIий. Аьлимтурал тIимунин буну, Шариатрал къамул байсса оьзру-саварайну фаризасса зумарду къадиртманахъ Шавваль зурул суннат-зумарду дугъан ихтияр дуссар, дургъунугу хъинссар. Аммарив Шариатрал къамул къадайсса саварайну Рамазан зуруй фаризасса зумарду къадургъунна ливчIманай ялувссар Шавваль зуруй суннатсса зумарду къадургъуну, лирчIсса фаризамий хъирив лахъан, суннатсса дугъан хIарамссар. Шавваль зуруй зумарду куннил хъирив ку къадургъарчагу, суннат биттур бувссанун ккалли шайссар, му суннатрал чIун Шавваль барз къуртал хъуннин дикIайссар. Амма яла ххирамур чIун - Зума ритавал къинилул гъунттимур къини айивхъуну, куннил хъирив ку дугъавури. «Бужайрами» тIисса луттираву чивчуну бур Шавваль зуруй суннатсса зумардан кIанай хъхъичIсса шиннардий къадургъуну лирчIсса фаризасса зумарду хъирив лахъларчагу, миннухлу суннатрахсса чирингу чичайсар, тIий. Аллагънал Ꞥ кумаг баннав Шавваль зуруй зума дугълай шинай дургъуссаксса чирин ласун. Амин.

Исламрал шариаьт

Шариаьт сакин хъуну дуссар Къуръандалин ва МухIаммад Идавсил Ꞥ хIадисиртгайн буну. Исламрал къануннаву цукунчIавсса ххуллу бакъассар инсаннал оьккисса тIул дан ихтияр дуллалисса.

макъала: МухIаммадманнар Бариев

Исламрал шариаьтрайн буну циняв инсаннал аьмаллу мийва бутIуйх бачIайссар:

1. Фарз
2. Важиб
3. Суннат
4. МустахIаб
5. МубахI
6. ХIарам
7. Карагъату-т-тахIрим
8. Карагъату-т-танзигъ

Фарз учайссар шариаьтарайн буну, чара бакъа гъарца инсаннал биттур бан аьркинмунин. Ми фарзру биттур барча, Аллагъу Тааьланал чирин булайссар. Ца бияласса багъана бакъана биттур къабарча, му инсан бунагъралун агъайссар, Аллагъналгу Ꞥ мунал танмихI байссар. Гъарца Исламраву фарзну ккаккан дурмунин вих актасса, инкар буллалисса инсан Исламрал динналува уккайссар, чапурчув шайссар. Фарзругу буссар кIира журалул: *фарзуль-аьйн* ва *фарзуль-кифаят*. **Фарзуль-аьйн** – гъарца бусурманчувнал чара бакъа дуллан аьркинмурди. Масала, гъантлун ххюва чак баву, рамазан зуруй зума дугъаву ва м.ц. **Фарзуль-кифаят** – бусурманнал агъулдануй ялувсса буржри. Агана



шяраву ягу шагърулий кIия-шамуннал барча, вайминная яла лагайссар, амма миву гьуртту хъуминнан чирин буссар. Шяраву ягу шагърулий цанналагу къабарча, циняв бунагъралун багъайссар. Масала, саламрахъхъун жаваб дулаву, бивкIу буччавриву гьуртту шаву ва м.ц. **Важиб** учайссар мува фариза кунма чара бакъа биттур бан аьркинмунин. Важибсса аьмал бувманан Аллагънаяту Ꞥ чирин буссар, къабивтма хъунмасса бунагъравун агъайссар. Важибмунин инкар бувсса инсан хъун бунагъравун агъайссар. **Суннат** учайссар МухIаммад Ꞥ Идавсил буллай ивкIсса аьмаллайн ва увкусса мукъурттийн. Ми аьмаллу бувманан чирин буссар, къабувманан

бунагъ бакъассар. Аммарив жунма хIарачат бан аьркинссар суннатсса аьмаллу буллан, миннухсса чирин хъинну хъунмасса бунутIий. Ца багъана бакъана суннат къабивтсса инсаннай Къиямасса къини аьй ришунтIиссар, бунагъравун къаагъарчагу. Суннатмур къабайманан Идавсил Ꞥ шафааьтгу къабиянтIиссар. **МустахIаб** учайссар Идавсил Ꞥ чIявуну буллай ивкIсса аьмаллайн. МустахIабсса аьмал бувманан чирин буссар, къабувманан бунагъ бакъассар, Къиямасса къини аьйгу къаришунтIиссар. **МубахI** учайссар барчагу, къабарчагу я чирин бакъасса, я бунагъ бакъасса аьмаллайн. **ХIарам** – шариаьтрайн буну дан

къабучИсса тIуллури. ХIарамсса тIуллу дуллалима хъунмасса бунагъравун агълагъиссар. Бунагърая нигъа увсун хIараммуния арх хъуманан Аллагънал Ꞥ чирин чичайссар. Шариатрал хIарамну ккаккан дурмур хIалалссар тIисса инсан чапуршиврувун агъайссар. ХIарамсса тIуллугу дуссар кIива журалул: хIарам зулмий ва хIарам гъайру зулмий. **ХIарам зулмий** – учайссар бунагъ буну цама инсаннай зулму баврин. Масала, къачагъшиву, цурк ва м.ц. Мукунсса бунагъ бувсса инсаннал тавбагу дурну ххишала му тIул къадан ният дан аьркинссар. Цалва зулму бувманахъгу багъишла ити учин аьркинссар. Ганал багъишла къаивтссаксса Аллагъналгу Ꞥ му багъишла къаитайссар. **ХIарам гъайру зулмий** – учайссар так цанма зарал буллалисса бунагърайн. Мукунсса бунагъ бувманал тавбагу дурну, ххишала му банагърайн кIура къааян ният дувача. **Макругъ (карагъату-т-тахIрим)** учайссар МухIаммад Идавсил Ꞥ дан къабучIину къалайкъну ккаккан дурсса тIуллайн. Бунагъ баврия нигъа увсун ми тIуллу къадиртманан Аллагънаяту Ꞥ чирин буссар, дурма бунагъравун агъайссар. Ми тIуллу дан бучИссар тIимагу бунагъравун агъайссар. **Макругъ (карагъату-т-танзигъ)** учайссар Идавсил Ꞥ дан къахъинну ккаккан дурсса тIуллайн. Ми тIуллу дурма бунагъравун къаагъайссар, амма цанма зарал буссар. Ми тIуллал ккаккан дайссар инсаннал адав дакъашиву. (гихунмайгу буссар)

Цүсса лу

Аллагьнал ﷻ цIимийну махьсса ппурттуву лакку мазрайсса динна-лул луттирду буклан бивкIунни. Уттигьанну бувккунни «Фарз» тIисса цүсса лу. Машан ласун ччиминнаща ва номерданийн оьвчин бюхъантIиссар: +7-989-670-51-15

Дагьусттаннал бусурманнал рувхIанийсса идара

Фарз

БУСУРМАННАЛ ДИНДАЛУА ЧАРА БАКЪА КIУЛНУ БИКIАН АЪРКИНМУР



Лакку мазрай

Аллагьнал ﷻ, Идавсил ﷻ цIа кIицI лагайтту ци учайсар?

Аллагьнал ﷻ цIа кIицI лаглагисса чIумал мунил хьирив «СубхIанагь ва Тааьля» увкуну хьинссар. МухIамад Идавсил ﷻ цIа кIицI лагайтту «салляЛлагьу аьлайгьи васаллям» учин аьркинссар. Цайми идавстурал цIардал хьирив «аьлайгьи-с-салям» учайссар. АсхIабтурал цIарду кIицI лагайтту «разияллагьу аьнгьу» учайссар. Хьунисса аьлимтурал цIарду кIицI лагайтту «рахIимагьуллагьи аьлайгьи» увкуну хьинссар. Парикьатрал шайхтурал цIарду кIицI лагайтту «кьуддиса сирругьу» учайссар.

БучIиссарив инсан учла-чисса чIумал ганал суру-раву дуаь чирчусса чагьар бишин?

Дуаь чирчусса чагьар бишин бучIиссар, амма Кьурьан бишин хIарамссар. Имам Тирмизинал бувсьсса хIадисраву увкуну бур: «ИвкIуманал сурураву хьязамрай «ля илягьа илля Ллагьу вахIдагьу ля шарика лягьу, лягьуль мульку ва лягьуль хIамду, ля илягьа илля ллагьу ва ля хIавля ва ля кьуввата илля биллагьиль аьлийиль аьзим» – тIисса дуаь чивчусса чагьар биширча, ганан гьаттал аьзав бигьа шайссар» - тIий.

Тгун бавссар щарссанил ласнайн цIа увкуну оьвчин кьабучIиссар тIий. Му тIайлассарив?

КьатIайлассар, Исламраву мукунсса кьадагьа дакьассар.

Мумай-из щийн учайссар?

Мумайиз учайссар 6-7 шин хьусса, ххуймур-оьмур личIи бан шайсса оьрчIайн.

БучIиссарив хьаннин косметика ишла дуллан?

Косметикагу, тIааьнсса кьанкьгу дан бучIиссар так цила ласнал хьхьичI ягу цайми хьами дусса, чил арамтал бакьасса кIанай. Хьамитайпа цила ласнан ххуй бизан, рязи ан хIарачат буллалиса чIумал гания Аллагьу ﷻ рязину икIайссар.

Ламуйх нанисса чIумал цукунсса дуаь дуккайссар?

Ламуйх нанисса чIумал салават дурккуну хьинссар. СиратIрал ламугу дакIнин бувтун, «я Аллагь, ва ламуйх куна бигьану на СиратIрайхгу лахьан ува», - увкунугу хьинсар.

Рузнама

Август

Кьини	КIюрххил чак	Баргь буккаву	Ахттайн чак	Ахттакьун чак	МаркIачIан чак	ХьатIан чак
1	3:37	5:36	12:55	16:52	20:14	21:58
2	3:39	5:37	12:55	16:52	20:13	21:56
4	3:43	5:40	12:55	16:51	20:10	21:53
6	3:47	5:43	12:55	16:50	20:07	21:50
8	3:50	5:45	12:55	16:50	20:05	21:47
10	3:52	5:47	12:54	16:48	20:03	21:42
12	3:55	5:49	12:54	16:47	20:00	21:39
14	3:58	5:50	12:54	16:46	19:58	21:35
16	4:01	5:52	12:53	16:44	19:55	21:30
18	4:05	5:54	12:53	16:43	19:52	21:27
20	4:08	5:56	12:52	16:41	19:48	21:22
22	4:12	5:59	12:52	16:40	19:45	21:18
24	4:14	6:00	12:51	16:38	19:43	21:15
26	4:18	6:02	12:51	16:36	19:39	21:11
28	4:21	6:04	12:50	16:34	19:36	21:06
30	4:25	6:07	12:50	16:33	19:33	21:02

Рузнама

Сентябрь

Кьини	КIюрххил чак	Баргь буккаву	Ахттайн чак	Ахттакьун чак	МаркIачIан чак	ХьатIан чак
1	4:27	6:08	12:49	16:31	19:30	20:59
2	4:29	6:10	12:49	16:30	19:28	20:57
4	4:32	6:12	12:48	16:28	19:25	20:54
6	4:34	6:14	12:47	16:26	19:21	20:50
8	4:37	6:16	12:47	16:24	19:17	20:46
10	4:40	6:18	12:46	16:22	19:14	20:42
12	4:43	6:20	12:46	16:20	19:10	20:37
14	4:46	6:22	12:45	16:17	19:06	20:32
16	4:49	6:24	12:44	16:15	19:02	20:27
18	4:51	6:26	12:43	16:12	18:58	20:24
20	4:53	6:30	12:42	16:09	18:54	20:20
22	4:56	6:32	12:42	16:08	18:52	20:16
24	4:58	6:34	12:41	16:05	18:48	20:13
26	5:01	6:36	12:40	16:02	18:44	20:09
28	5:03	6:39	12:40	16:00	18:41	20:06
30	5:05	6:41	12:39	16:57	18:31	20:02

ДАГЕСТАНСКИЙ ИСЛАМСКИЙ УНИВЕРСИТЕТ ИМЕНИ ШЕЙХА МУХАММАД-АРИФА

ОБЪЯВЛЯЕТ ПРИЕМ АБИТУРИЕНТОВ НА ОЧЕРЕДНОЙ УЧЕБНЫЙ ГОД.



Цель обучения – подготовка специалистов со средним и высшим профессиональным религиозным образованием по направлению «культ исламского вероисповедания» квалификации «священнослужитель исламского культа».

Продолжительности обучения:

в медресе – 3 года;

в университете – 5 лет.

ДОКУМЕНТЫ НЕОБХОДИМЫЕ ДЛЯ ПОСТУПЛЕНИЯ:

- 1) нотариальная копия аттестата или диплома;
- 2) копия паспорта;
- 3) фотокарточки размером 3/4 в количестве пяти штук;
- 4) медицинская справка Ф 086;
- 5) копия прививочного сертификата Ф 156/у-93;
- 6) рекомендация от преподавателя религиозного обучения либо от руководителя мечети (имамы) расположенной по месту жительства абитуриента.

ПРИНИМАЕМ ПО АДРЕСУ: Г. МАХАЧКАЛА, УЛ. ДАХАДАЕВА 136

С 1 ИЮНЯ ПО 18 АВГУСТА

Тел.: (8722) 67 55 08; 8(988)294-56-16

БучIиссарив кIялазуруй ивкIуманал сурат лахьан?

КIялабарз бищаврил мягна – цумур гьав щил дуссарив кIул хьуншиврулли. Муни-яту ганий ивкIуманал цIа чичирча гьассар. Суратру лахьаву, чIярусса арцу харж дурну, ххирасса кIялабарз бищаву – исапшиву хьанахьиссар.

БучIиссарив хIатталлив ххяхьсса мурхьирайсса ахьулсса дукан?

БучIиссар, хIатталлул аьрци жамьатрал духьурча (вакьфу). Ца инсан заллусса аьрщарайсса хIатталливсса мурхьираймур ахьулсса дукан кьабучIиссар.

«Истигьфар» ссайн учайссар?

Б«Истигьфар» учайссар Аллагьнахь ﷻ бунагьру багьшла бити учаврин («астагьфируллагь» учаву).

ХIурмат бусса уссурвал ва ссурвал!
Зунма цIуххин ччисса,
ИсламрацIун, ШариаьтрацIун,
кулпатрал багьу-бизулуцIун бавхIусса ва цаймигу суаллу
гьан бан бюхьайссар SMS – райхчин ва номерданийн:
8-928-580-37-89, ягу 51-85-22 номерданийн оьвкуну
цIуххин.
e-mail: assamlak@mail.ru